

II - ARABAKO LURRALDE HISTORIKOAREN TOKI ADMINISTRAZIOA

DONEMILIAGAKO UDALA

Garapenerako lankidetzako proiektuak finantzatzeko udal laguntzen 2025eko deialdia eta oinarriak

Udalbatzak, 2025eko urriaren 14an egindako osoko bilkuran, 2025ean garapenerako lankidetzako proiektuak finantzatzeko laguntzak arautzen dituzten oinarriak onetsi zituen.

Bat etorri Dirulaguntzen azaroaren 27ko 38/2003 Lege Orokorraren 9.3 artikulua, Dirulaguntzak arautzen dituen udal ordenantzen 4.4 artikulua eta Administrazio Prozedura Erki-dearen urriaren 1eko 39/2015 Legearen 45.1 artikulua xedatutakoarekin, argitaratu egiten dira oinarri horiek, guztiek jakin ditzaten.

LEHENENGOA. DEIALDIAREN XEDEA.

Deialdi honen xedea da garapen bidean dauden herrialdeetako lankidetzak ekintzak batera finantzatzeko laguntzak ematea, ekintza horiek Donemiliagako udalerriaren ekimenez elkartasun harremanak indartzen laguntzen badute eta 2025eko urtariletik abendura bitartean garatzen badira.

BIGARRENA. ENTITATE ETA PERTSONA ONURADUNAK.

Irabazteko xederik gabeko gobernuz kanpoko erakundeek eta pertsona fisikoek nahiz juridikoek eska dezakete dirulaguntza, baldin eta Donemiliagako herriarekin zerikusi zuzena duten bazkideak edo laguntzaileak badituzte eta deialdi honen xedearekin bat datozen proiektuak garatzen ari badira.

Deialdi honetatik berariaz baztertzen dira honako hauek:

- Estatuaren, Autonomia Erkidegoaren eta Foru Aldundiaren menpeko erakundeak eta zerbitzuak, eta aurrezki entitateak. Salbuespena: ikastetxeak ez dira baztertzen.
- Enpresak eta irabazteko xedea duten bestelako erakunde guztiak.
- 38/2003 Lege Orokorrak 13. artikuluan ezartzen duenaren arabera onuradun izatea debekatuta duten entitateak.
- Emakume eta gizonak berdintasunean aritzea edota parte hartzea galarazten duten erakundeak, honako hauek izan ezik: sexu bereko kideez osatuta egonda ere, helburu nagusiz emakumeen eta gizonen arteko berdintasuna lortzea edo emakumeen eta gizonen interes eta beharrez espezifikoak sustatzea duten erakundeak.

HIRUGARRENA. DIRUZ LAGUN DAITEZKEEN PROIEKTUAK.

Diruz lagundu ahal izango dira 2025eko urtariletik abendura egiten diren garapenerako lankidetzako proiektuak.

Proiektuek irizpide hauek bete beharko dituzte:

- Garapen bidean dauden herrialdeetako herritarrei garatzen laguntzeko eta Donemiliagako dituen elkartasun harremanak sendotzeko garapenerako lankidetzako proiektuak, irabazteko xederik gabeko garapenerako gobernuz kanpoko erakundeek edota pertsona fisikoek nahiz juridikoek sustatutakoak.
- Erakunde eskatzaileek beren helburuen artean honako hauek izan behar dituzte: garapenerako lankidetzak jarduerak egitea, irabazteko xederik eza eta emandako diru sarrera guztiak garapenerako lankidetzak jardueretan eta gizarte ekintzetan erabiltzea.

«Laguntza horiek dirutan emango dira honako hauek aplikatuta: 38/2003 Lege Orokorra, Dirulaguntza; 887/2006 Errege Dekretua; Donemiliagako Udalaren Dirulaguntzen Ordenantza; eta aplikatu beharreko gainerako legeria.»

LAUGARRENA. ESKAEREKIN BATERA AURKEZTU BEHARREKO AGIRIAK.

Eskaerak honela aurkeztu behar dira:

- Eskaera orria, eredu ofizialaren arabera.
- Honako hauek azaltzen dituen aurkezpena: egin nahi den proiektuaren helburuak, aurreikusitako emaitzak, jarduerak eta baliabideak.
- Gastuen aurrekontu xehatua, eurotan; gastuez gainera, tokiko nahiz berezko baliabideak eta beste erakunde batzuei eskatutako nahiz haiengandik eskuratutako dirulaguntzak ere azaldu behar dira.
- Zehatz azaldu behar da aurrekontua eurotan kalkulatzeko erabili diren kanbio tasen balioa (euroa eta nazio dibisa edo diruaren artekoak) eta noizkoak diren dokumentatu behar da.
- Laguntza eskatu duen irabazteko xederik gabeko gobernu kanpoko erakundearen, pertsona fisikoaren edo juridikoaren txosten laburra.
- Biztanle kopuruaren edo hartzaileen datuak, sexuaren arabera xehaturik (emakumeak eta gizonezkoak) edo, entitateek datuak bildu badituzte, genero nortasunaren arabera (emakumeak, gizonak eta bestelako nortasunak), bai aurkeztutako proiektuan, bai haren justifikazioan.

BOSGARRENA. DIRULAGUNTZAK EMATEKO IRIZPIDEAK ETA AURREKONTUKO ZUZKIDURA.

Dirulaguntzak borondatezkoak izango dira.

GKE eskatzaile bakoitzari proiektu baterako bakarrik emango zaio dirulaguntza.

Deialdi honen bidez banatzen diren dirulaguntzak ezarritako xederako emango dira. Dirulaguntzaren zenbatekoa ez da izango ekimenaren edo proiektuaren aurrekontuaren ehuneko 75 baino gehiago eta dirulaguntzen baturak ezin izango du gaingitu udalerriko aurrekontu orokorrean horretarako dagoen aurrekontu aplikazioari esleitutakoa. Deialdi honi aurre egiteko aurrekontu aplikazioaren zenbakia hau da: 231.481.005. Partida horren zuzkidura, gehienez, 14.734,99 euro izango da.

Lehenetasuna edukiko dute Donemiliagako herritarrek modu aktiboan parte hartzen duten proiektuek. Dirulaguntzaren ehuneko finkatzeko baremazio irizpide hauek hartuko dira kontuan:

IRIZPIDEAK	%
Eskatutako proiektua Donemiliagako Udalak bakarrik finantzatzea	25
Donemiliagan erroldatutako herritarrek partaidetza aktiboa duten proiektuak	20
Haurrak eta gazteak garatzeko, mantenua emateko eta bizirauteko proiektuak	15
Emakumeen eta gizonen berdintasuna sustatzeko proiektuak, haien denbora-jarraitasuna baloratuta	10
Kultura jatorri desberdinetako pertsonengan kultura arteko harremanak, elkarbizitza eta aniztasuna bultzatzeko proiektuak	5
GUZTIRA	75

Diruz lagundu ahal izango dira erakunde onuradunen kudeaketa gastuak eta gastu arruntak. Hala ere, udalbatzak erabakiko du dirulaguntzaren zein ehuneko emango den gastu horietarako; gehienez, ehuneko 25 emango da.

SEIGARRENA. LANKIDETZA PROIEKTU GUZTIEK GENERO ARLOKO BALDINTZA HAUEK BETE BEHARKO DITUZTE.

- Argiro zehaztuta edukitzea emakumeen kolektiboan duten eragina, haientzako edozein ondorio kaltegarri galaraztea eta, hala badagokio, eragin hori indargabetzeko zuzentze neurriak aurreikustea.

- Emakumeek proiektuan parte hartzea sustatzea.
- Emakumeek proiektuak sortzen dituen enplegu ordainduak lortzeko bidea erraztea.
- Halaber, proiektuak zehazturik eduki behar ditu genero emaitzak, guztiz txikiak badira ere.

ZAZPIGARRENA. AGIRIAK AURKEZTEA.

«Dirulaguntza eskaerak hainbat modutan aurkeztu daitezke: zuzenean Donemiliagako Udaleko erregistroan (Andia kalea 9, 01208 Erdoña – Araba); erregistrora bidalita posta ziurtatuz edo posta elektronikoz; edo Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan arautzen dituen moduetan.»

Epea: Deialdiaren iragarkia ALHAOn argitaratu ondoko egunetik 2025eko abenduaren 30era arte.

Garaiz eta behar bezala aurkeztutako eskaerak baino ez dira onartuko izapidetzeko.

ZORTZIGARRENA. DIRULAGUNTZEN BATERAGARRITASUNA.

Udalaren laguntzak bateragarriak dira eskatzaileek lortzen dituzten beste guztiekin. Dena dela, Udalaren dirulaguntzaren zenbatekoak, beste laguntza batzuekin batera, ezin izango du jardueraren edo programaren zenbatekoa gainditu.

Gastuen finantzaketa eta beste laguntza edo sarrera batzuen ekarpen osagarriak zenbatekoak diren jakin ondoren, onetsitako dirulaguntza berrikusi ahal izango da.

BEDERATZIGARRENA. ESKAERAK AZTERTU ETA EBAZTEA, ETA DIRULAGUNTZAK KOBATZEA.

Proiektuak dagokien langile teknikoek ebaluatuko dituzte.

Donemiliagako Udalbatzak dauka deialdia ebazteko eskumena, froga-agiriak aurkeztu ondoren; gero onartutako dirulaguntza osoa ordainduko da.

Deialdiaren ebazpena eskaerak aurkezteko epealdia amaitzen denetik hiru hilabete pasatu baino lehen emango da. Epealdi horretan berariaz ebazten ez diren eskaerak ezetsizat jo beharko dira.

Ebazpenak administrazio bidea agortuko du eta ebazpenean bertan adieraziko da zer errekurso jar daitezkeen haren aurka. Ebazpena urriaren 1eko 39/2015 Legeak, administrazio publikoen administrazio prozedura erkidearenak, 42. eta 43. artikuluetan ezarritakoaren arabera jakinaraziko da.

Eskaerak ebatzi eta kreditu erabilgarria dagoela ikusi ondoren, Udalbatzak egokitzen jotzen dituen proiektuetarako erabili ahal izango da kreditu hori.

Transferentziek eta bestelakoek eragiten dituzten gastuak dirulaguntzaren zenbatekoan sartuko dira; beraz, ez ditu bere gain hartuko Udalak, baizik eta interesdunek.

Eskaera batek ez baditu betetzen adierazitako baldintzak, Donemiliagako Udalak interesdunari eskatuko dio akatsa zuzentzeko edo behar diren agiriak aurkezteko hamabost egun pasatu baino lehen.

HAMARGARRENA. ONURADUNEN BETEBEHARRAK.

a) Onuradunek, eskatutako aurrekontua frogatzeaz gainera, jardueraren memoria xehatua eta gastu eta sarreraren balantze ekonomikoa aurkeztu beharko dituzte.

b) Ezin izango da emandako dirulaguntzaren xedea aldatu, udalak baimena eman ezean.

c) Jardueraren publizitatean hauxe agertu behar da idatzita: “Donemiliagako Udalaren laguntzarekin - Con la colaboración del Ayuntamiento de San Millán”

d) Agiri guztietan, publizitatean, irudietan edo materialean komunikazio ez-sexista erabili behar da, emakumeak diskriminatzen dituen edozein irudi edo estereotipo sexista saihestu, eta berdintasun balioak sustatu.

e) Ahal izanez gero, publizitatea eta komunikazioak Euskal Autonomia Erkidegoko bi hizkuntza ofizialetan egin behar dira.

f) Donemiliagako Udaleko organoek, Herri Kontuen Euskal Epaitegiak eta beste erakunde eskudunek eskatzen dituzten argibide guztiak eman beharko dira.

g) Dirulaguntzen azaroaren 17ko 38/2003 Lege Orokorrak eta dirulaguntzen udal ordenantzak ezarritako betebeharrak betetzea.

HAMAIKAGARRENA. GASTUEN JUSTIFIKAZIOA.

Amaitu ondoren, dirulaguntza jasotzen duen programa edo jarduera justifikatu beharko da. Horretarako epealdia 2025eko abenduaren 1ean amaituko da.

Epealdi horretan dokumentazioa aurkeztu ezean, ordainketa kredituak baliogabetuko dira eta aurreratutako kopuruak itzultzeko eskatuko da, horrelakorik izanez gero.

Jarduera justifikatzeko, agiri hauek aurkeztu beharko dira:

a) Eskaera frogagiri bat (eredu ofizialaren arabera) programa edo jarduera bakoitzeko. Eredua Udalaren bulegoetan eskuratu ahal izango da, edo Udalaren web orritik jaitsi: www.donemiliaga.eus.

b) 2025ean egindako jarduerak eta horien emaitzak jasotzen dituen memoria.

c) Justifikazio kontu erraztua (eredua I. eranskinean dago; Dirulaguntzen azaroaren 17ko 38/2003 Lege Orokorrak 75. artikuluan ezartzen duenarekin bat etorritik egin da) edo gastu guztiak frogatzen dituzten fakturak.

Dirulaguntza ematen duen organoak nahi duen frogagiri guztiak egiaztatuko ditu dirulaguntza behar bezala aplikatu den argitzeko; horretarako, ezartzen diren laginketa teknikak erabiliko ditu. Hori dela eta, hautatzen dituen gastu frogagiriak igortzeko eskatu ahal izango die onuradunei.

HAMABIGARRENA. ONURADUNEN BETEBEHARRAK.

Dirulaguntzaren eskaera aurkezte hutsak berekin dakar oinarri hauek ezagutzea eta onartzea.

Dirulaguntza emandako xede zehatzerako erabili beharko da.

HAMAHIRUGARRENA. DIRULAGUNTZA GALTZEA.

Oinarri hauetan jasotako betebeharrak eta zehaztapenak betetzen ez badira, emandako dirulaguntzaren zati bat edo gutzia galdu ahal izango da.

HAMALAU GARRENA. INTERPRETAZIOA.

Oinarri hauek interpretatzean zalantzarik sortzen bada, Donemiliagako Udalak ebatziko du.

Hauek dira aplikatu beharreko oinarrizko arauak: dirulaguntzen udal ordenantza, Dirulaguntzen azaroaren 17ko 38/2003 Lege Orokorra eta uztailaren 21eko 887/2006 Errege Dekretua, zeinak onesten baitu Dirulaguntzen azaroaren 17ko 38/2003 Lege Orokorraren arautegia.

HAMABOSGARRENA. ERREKURTSOAK.

Deialdi honen aurka administrazioarekiko auzi errekurtsua aurkeztu ahal izango da zuzenean Vitoria-Gasteizko administrazioarekiko auzietarako epaitegietan, bi hilabeteko epean, ALHAOn argitaratu eta hurrengo egunetik aurrera, edo, nahi izanez gero, berraztertze errekurtsua, deialdi hau onetsi duen organoari berari, hilabeteko epean, ALHAOn argitaratu eta hurrengo egunetik aurrera. Azken horren esanbidezko nahiz ustezko ebazpenaren aurka, berriz, administrazioarekiko auzi errekurtsua aurkeztu ahal izango da, Gasteizko administrazioarekiko auzietarako epaitegietan, bi hilabeteko epean, errekurtsua ezesten duen ebazpena jakinarazten den egunaren hurrengotik aurrera, edo, ebazpena ustezkoa bada, sei hilabeteko epean, ustezko ebazpen hori gertatzen den egunaren hurrengotik aurrera.

HAMASEIGARRENA. KONFIDENTZIALITASUNA.

Donemiliagako Udalak, Datu Pertsonalen Babesaren eta Eskubide Digitalen Bermearen abenduaren 5eko 3/2018 Lege Organikoa betez, jakinarazten du ematen dizkiguzun datuak Donemiliagako Udalaren ardurapeko tratamendu jarduera batean sartuko direla, zeinaren helburu baita horien ondoriozko administrazio espedienteak eta administrazio jarduerak izapidetzea eta kudeatzea. Ez da aurreikusten zure datuak hirugarrenei jakinaraztea, nahiz eta, haien edukiaren arabera, hartara legez behartuta egon gaitzkeen. Eskubidea izango duzu datuetan sartu, haiek zuzendu, ezereztu, haien aurka egin, tratamendua mugatu edo datuok transferitzeko. Eskubide horiek guztiak Donemiliagako Udalean egikarituko dira, Arabako Erdoñana herriko (01208) Andia kaleko 9an, edo posta elektroniko honetan: dpo-dbo.sanmillan@ayto.araba.eus; helbide horretan argibide gehiago ere eskatu ahal izango duzu.

Erdoñana, 2025eko azaroaren 5a

Alkatea

ERIKA LETAMENDI HURTADO